

fuerit aliquid datum, promissum, remissum, vel oblatum a contrahere volentibus, vel ab alio ipsorum nomine.

40 Interrogetur, an cognoscit ipsos contrahere volentes, & a quanto tempore, in quo loco, qua occasione, & cujus qualitate, vel conditionis existat. Si responderit negative, testis dimittatur; Si vero affirmative;

41 Interrogetur, an contrahere volentes sint cives, vel exteri: Si responderit esse exteros, supersedeatur in licentia contrahendi, donec per litteras Ordinarii ipsorum contrahere volentium, doceatur de eorum libero statu, de eo tempore, quo permanserunt in sua civitate, vel diocesi. Ad probandum vero eorundem contrahere volentium statum liberum pro reliquo temporis spatio, scilicet usque ad tempus, quo volunt contrahere, admittantur testes idonei, qui legitime, & concludenter deponant statum liberum contrahere volentium, & reddant sufficientem rationem causae eorum scientiae, absque eo quod teneantur deferre attestaciones Ordinarios locorum, in quibus contrahere volentes moram traxerunt. Si vero responderit, contrahere volentes esse cives:

42 Interrogetur sub qua parochia haftenus contrahere volentes habitaverunt, vel habitent de praesenti? Item an ipse testis sciat, aliquem ex praedictis contrahere volentibus quandoque habuisse uxorem vel maritum, aut professum fuisse in aliqua Religione approbata, vel suscipere aliquem ex Ordinibus Sacris, Subdiaconatum scilicet, Diaconatum, vel Presbyteratum, vel habere aliud impedimentum, ex quo non possit contrahi matrimonium; Si testis responderit, non habuisse uxorem, vel maritum, neque aliud impedimentum, ut supra:

44 Interrogetur de causa scientiae, & an sit possibile, quod aliquis ex illis habuerit uxorem, vel maritum, aut aliud impedimentum &c. & quod ipse testis nesciat; Si responderit affirmative, supersedeatur, nisi ex aliis testibus probeatur concludenter non habuisse uxorem, vel maritum, neque ullum aliud impedimentum &c. Si vero responderit negative.

45 Interrogetur de causa scientiae, ex qua deinde Judex colligere poterit, an testi sit danda fides. Si responderit contrahere volentes habuisse uxorem, vel maritum, sed esse mortuos.

46 Interrogetur de loco, & tempore, quo sunt mortui, & quomodo ipse testis sciat, fuisse conjuges, & nunc esse mortuos? Et si responderit mortuos fuisse in aliquo hospitali, vel vidisse sepeliri in certa ecclesia, vel occasione militiae sepultos fuisse a militibus, non detur licentia contrahendi, nisi prius recepto testimonio authentico a Rectore hospitalis, in quo praedicti decesserunt, vel a Rectore ecclesiae, in qua humata fuerunt eorum cadavera; vel si fieri potest, a Duce illius cohortis, in qua descriptus erat miles; Si tamen hujusmodi testimonia haberi non possunt, Sacra Congregatio non intendit excludere alias probationes, quae de Jure communi possunt admitti, dummodo sint legitima, & sufficientes.

47 Interrogetur an post mortem dicti conjugis defuncti, aliquis ex praedictis contrahere volentibus, transierit ad secunda vota? Si responderit negative:

48 Interrogetur an esse possit, quod aliquis ex illis transierit ad secunda vota, absque eo quod ipse testis sciat? Si responderit affirmative, supersedeatur in licentia, donec producantur testes, per quos negativa coarctetur concludenter. Si vero negative:

49 Interrogetur de causa scientiae, qua perpensa, Judex poterit judicare, an sit concedenda licentia, necne. Si contrahentes sint vagi, non procedatur ad licentiam contrahendi, nisi doceant per fides Ordinarios suorum esse liberos, & in aliis, servata forma Concilii Tridentini in cap. Multi, sess. 24. Fides, aliaque documenta, quae producantur de paribus, non admittantur, nisi sint munita sigillo, & legalitate Episcopi Ordinarii, recognita saltem per testes, qui habeant notam manum, & sigillum, & attente considererit quod fides, seu testimonia bene, & concludenter identificent personas, de quibus agitur.

Pro testibus in hac materia, recipiantur magis consanguinei, quam extranei, quia praesumuntur melius informati, & cives magis, quam exteri, nec admittantur homines vagi, & milites nisi data causa, & maturo consilio; Et Notarius exacte describat personam testis, quem si cognoscit, utatur clausula, *mibi bene cognitus*; sin minus examen non recipiat, nisi una cum persona testis aliqua alia compareat cognita Notario, & quae attestetur de nomine, & cognomine ipsius testis, nec non de idoneitate ejusdem ad testimonium ferendum. Et hujusmodi examinibus debet interesse in Urbe, ultra Notarium, Officialis specialiter deputatus ab Eminentissimo Vicario; & extra Urbem, vel Vicarius Episcopi, vel aliqua persona insignis, & idonea ab Episcopo specialiter deputata; Alias puniatur Notarius arbitrio Sacrae Congregationis, & Ordinarius non permittat fieri publicationes.

Ordinarii praecipiant omnibus, & singulis Parochis in eorum diocesium existentibus, ut pro matrimoniis cum exteris contrahendis, non faciant publicationes in eorum ecclesiis, nisi certiorato Ordinario, a quo, vel ejus Vicario Generali prius teneatur fidem authenticam reportare, quod pro tali matrimonio fuerint examinati testes in eorum tribunali, qui probant statum liberum contrahere volentium, &c. Contravenientes autem severe puniantur.

Franciscus Richardus S. Romanae & Universae Institutionis, &c.

(In eorum, quae jure Romanorum num. 10. 11. 18. & 19. astruantur, confirmationem vide ad primum lit. A pag. 177. lit. B. pag. 301. col. 2. pag. 361. ante num. 11. col. 1. pag. 390. col. 1. num. 27. & leg. 5. tit. 5. part. 1. in fin. lit. A pag. 138. num. 20. Ad secundum lit. F. pag. 51. num. 9. Ad tertium lit. B. pag. 421. Ad rem lit. F. pag. 70. col. 2. Ad quartum, praeter in secundo inserta, videatur lit. E pag. 234. in fin. num. 18. in add. nov. bisp.)

INSTRUMENTA.

Vid. verb. Scriptura.

INTENTIO.

SUMMARIUM.

- 1 **I**NTENTIO generatim sumpta quid sit, & quomodo dividatur, ad num. 2.
- 2 **Q**ue sit intentio actualis, virtualis, habitualis, ad num. 5.
- 3 **I**n quo differant inter se Intentio habitualis & virtualis.
- 4 **Q**ua sit Intentio interpretativa, explicita, implicita, directa, indirecta, absoluta, conditionata, ad num. 13.
- 5 **A**d valide conficienda seu ministranda Sacramenta quae Intentio sufficit, qua vero non, ad num. 20.
- 6 **A**d valorem Sacramenti an sufficit in Ministro intentio ponendi materiam & formam vel ex joco, vel serio & pure materialiter, ad num. 30.
- 7 **A**d valide recipienda Sacramenta quid requiratur in pueris & perpetuo amentibus, quid vero in adultis ratione utentibus, ad num. 32.
- 8 **Q**uamnam Intentio ad singula Sacramenta sufficit, ad num. 40.
- 9 **Q**ua intentio oportet sit ad valide applicandum sacrificium missae, ad num. 42.
- 10 **A**n pro consecrandis parvis Hostiis sufficiat Intentio ante habita, quavis potesta, dum major Hostia consecratur, ad illas expressa reflexio non habeatur.
- 11 **Q**uamnam Intentio sufficiat, pro satisfactione praeepti ad recitationem horarum canonicarum, vel ad auditionem Sacri, ad num. 56.

57 *Subnectuntur supplementa Auctoris*, ad num. 61. Et *appendix*, sive *novus de Intentione articulus*.

1 **I**NTENTIO generatim sumpta est actus voluntatis volentis aliquid facere, vel fieri a se, vel ab alio; Est in re communi. Intentio dividitur in actualem, virtuales, habituales, & interpretativam. Intentio actualis est illa, quam quis actu elicit, & habet, dum actualiter facit quosdam intentum, actu scilicet cogitans, & volens, seu intendens illud, quod facit. Intentio virtualis est illa, vi, seu virtute cujus antea realiter habita, & non revocata hic, & nunc aliquid fit, quod aliis non fieret. Licet enim talis intentio actu jam praeterierit, adhuc tamen manet in virtute sua, in quantum vi ejus applicatur potentiae exteriorae ad actum, licet operans non attendat hic, & nunc ad id, quod exequitur. Talem intentionem virtualem habet, o. g. Sacerdos, qui ex voluntate, seu intentione actuali celebrandi missam induit se sacris vestibus, & vadit ad altare, & dum celebrat, si distractus, & ex distractione non considerat actualiter actum, quem exequitur; talis Sacerdos sic distractus, dicitur celebrare cum intentione virtuali, quia virtute intentionis prius actualiter habitae celebrandi missam applicatur potentiae exteriorae ad omnes illos actus concurrentes, & perficientes missae celebrationem. Intentio habitualis est volitio, seu intentio mere praeterita, & non revocata, sed ita interrupta, ut nec in se, nec in virtute, seu efficacia censetur adhuc perseverans in aliqua operatione morali, cum talis habitualis intentio possit esse nedum in homine rationis comote, vigili, & sobrio, sed etiam in homine rationis impote, dormiente, & ebrio, qui tamen moraliter operari nequeunt. Unde in hoc potissimum differunt inter se Intentio habitualis, & Intentio virtualis, quod Intentio habitualis duo tantum requirit; Primo quod praecesserit Intentio actualis: Secundo quod talis intentio non sit revocata. At vero intentio virtualis ultra haec duo requirit aliquid tertium, idest, remanentem aliquam virtutem, vim, & efficaciam influentem, & moventem ad opus praesens intentum, ut patet ex dictis num. 4. Intentio interpretativa est alia, quam homo nunquam habuit, est tamen ita comparatus animo, ut eam haberet, si de ea cogitaret.

7 Intentio alia est explicita, qua volumus, & intendimus aliquid in se clare cognitum, & cogitatum. Alia implicita, qua volumus, & intendimus aliquid solum confuse cognitum, volendo aliquid, sub quo, vel in quo illud continetur; Sic qui vult o. g. Subdiaconatum cognoscens in confuso, quod aliqua onera gravia sint illi annexa, implicite intendit obligationem ad castitatem, & ad horas, quamvis de illis explicito, seu expresse non cogit. Alia directa, qua volumus, & intendimus aliquid in se ipso formaliter, & positive. Alia indirecta, qua aliquid in se ipso directe quidem minime volumus, & intendimus directe causam aliquam, unde videamus illud aliud tamquam effectum secuturum. Sic volens bibere vinum meracum probe advertens se inebriandum, quamvis tunc minime velit, & intendat inebrietatem directe in se, ipsam tamen vult, & intendit indirecte tamquam praevium effectum illius potationis. Alia absoluta, qua volumus, & intendimus aliquid simpliciter, ac libere independentem ab omni conditione. Alia conditionata, qua volumus, & intendimus aliquid solum dependentem a tali, vel tali conditione, ita ut nostrum velle non sit efficax, nisi illa conditio ponatur, vel posita esse cognoscatur.

8 Ad valide conficienda, seu ministranda sacramenta, quavis sit optima, non est tamen necessaria intentio actualis; Communissima. Est enim ad id plene sufficiens intentio virtualis, ut sentiunt communiter DD. cum S. Th. 3. part. Sum. quest. 64. a 8. S. Bonav. in Brevil. 6. part. cap. 5. de sac. disp. Scoti in 4. dist. 6. quest. 6. & alii passim. Et ratio est, quia talis virtualis intentio sufficit ad omnes alios humanos contractus, & actus, nec Christus majorem intentionem, & attentionem requisivit ad sacramentorum confectionem, & administrationem, quam ad alios huma-

nos contractus, & actus, adeoque &c. Non sufficit autem Intentio habitualis, quia ex habitu agere non est humano modo agere, ut quisque fatetur de eo, quod stultus, aut phreneticus, aut dormiens agit vi habitus, quem contraxit; Communis. Multo minus sufficit Intentio interpretativa, quia haec, ut patet ex ejus definitione, nec est, nec fuit intentio re ipsa existens, sed tantum, quae existeret, si occurreret cogitatio de illa elicienda. Quod autem non est, non potest dirigere confectionem, seu administrationem Sacramenti, ut nomine Christi, & humano modo fiat, adeoque &c. Communis. Nec etiam sufficit intentio indirecta tantum, quia ebrorius verb. gr. prout in exemplo allato sub num. 116. pro hac intentione indirecta non agit humano modo, & moraliter, sed mere naturali, ac brutali, cum non agat libere, seu ex deliberatione rationis: Immo dato etiam quod se inebrians, & praeviciens sit in ebrietate adhibendum materiam, & formam, antea expresse intendat, & velit conficere Sacramentum in ebrietate, adhuc nihil efficit, quia illa intentio praecedens moraliter nullo modo influit in actionem secutam in ebrietate, sed eam mere naturalem, & inhumanam relinquens, manet mera intentio; Communis. Nec tandem sufficit intentio conditionata sub conditione de futuro; Communis. Et ratio est, quia intentio ministri sacramenti debet adesse, quando fit actio sacramentalis, cum non sit in ejus potestate suspendere effectum sacramenti in futurum: Intentio autem conditionata de futuro, eo ipso, quod sit suspensiva in futurum, non adest, nec quidquam operatur de praesenti, quando fit actio sacramentalis, cum conditio nondum sit posita. Immo neque operabitur in futuro, quando ponetur conditio, quia tunc non erit amplius actio sacramentalis, neque ipsa intentio, nisi ad summum habitualis nihil operans, adeoque &c. Sufficit tamen intentio conditionata sub conditione de praesenti, vel praeterito, dicendo v. g. Si adhuc vivis, si non fuisti baptizatus, ego te baptizo, si es capax, si concubinum domo eiecisti, ego te absolvo. Et ratio est, quia conditio de praesenti, aut praeterito, cum sit posita extra causam, & non sit dependens in futurum, non suspendit intentionem, & actionem; sed mox facit transire in absolutam, & efficaciam.

9 Ad valorem sacramenti non sufficit in Ministro intentio ponendi materiam, & formam ex joco: Est de fide contra Lutherum, Calvinum, & alios apud Bellarm. de Sacram. lib. 1. cap. 17. qui dicit sufficere, si res, & verba quomodocumque ponatur, dummodo adsit fides in suscipiente; Colligitur ex Concilio Florent. in decreto Eugenii IV. ad Armenos, & Concilio Trident. sess. 7. can. 11. ubi ad valorem sacramenti statuitur requiri intentionem saltem faciendi, quod facit ecclesia, & etiam ex articulo 12. inter justissime damnatos a Leone X. const. incip. Exurge Domine: ibi: Si per impossibile confessus non estes contritus, aus Sacerdos non serio, sed joco absolvet, si tamen credat se absolutum, verissime est absolutus, quem articulum etiam expresse damnat Conc. Trident. sess. 14 de Panti. canon. 9. ibi: "Si quis dixerit, absolutionem sacramentalem Sacerdotis non esse actum judiciale, sed nudum ministerium pronuntiandi, & declarandi remissa esse peccata contenti, modo tantum credat se esse absolutum, aut Sacerdos non serio, sed joco absolvat... anathema sit." Quod autem dicitur de absolute, valet de conficente quodvis aliud sacramentum.

10 Neque etiam sufficit ad valorem sacramenti intentio tantum materialis ponendi materiam, & formam serio, & pure materialiter, sed necessario requiritur intentio formalis ponendi ea, ut sacramentalia, & saltem faciendi, quod facit ecclesia; id est non sufficit in Ministro intentio pure materialis, & externa, sed requiritur intentio vere formalis, & interna; Est fere communis contra quosdam antiquos, & aliquos recentiores relatos, & secutos a Juvenio. dissert. 1. de sacramentis in genere quest. 5. art. 3. per tot. ubi acriter tenet, & defendit ponentem serio materiam, & formam, etsi non intendat sacramentum, immo positive dicat, Nolo facere sacramentum, equidem illud confici-